

Enn fremur er netaveiði bönnuð allt árið 1969 í Breiðafirði innan línu, sem hugsast dregin úr Skor í Eyrarfjall við Grundarfjörð.

2. gr.

Með mál þau, sem rísa út af brotum gegn auglýsingu þessari, skal farið að hætti opinberra mála og varða brot viðurlögum samkvæmt ákvæðum laga nr. 62 18. maí 1967, um bann gegn veiðum með botnvörpu og flotvörpu með síðari breytingum eða, ef um brot er að ræða, sem ekki falla undir framangreind lög, sektum frá kr. 1000.00 til 100 000.00.

Auglýsing þessi er sett samkvæmt lögum nr. 44 5. apríl 1948, um vísindalega verndun fiskimiða landgrunnins og lögum nr. 62 18. maí 1967 um bann gegn veiðum með botnvörpu og flotvörpu til þess að öðlast þegar gildi og birtist til eftirbreynti öllum þeim, sem hlut eiga að máli.

*Sjávarútvegsmálaráðuneytið, 19. febrúar 1969.*

**Eggert G. Þorsteinsson.**

*Gunnl. E. Briem.*

## REGLUGERÐ

### um afhendingu aðflutningsskjala til tollmeðferðar

1. gr.

Viðtakendur innfluttrar vöru, skulu afhenda tollstjóra þess umdæmis, sem varan er geymd í, eða umboðsmanni hans, fullgild aðflutningsskjöl um vöruna sbr. 19. og 20. gr. tollskrárlaga nr. 63/1968, áður en þrír mánuðir eru liðnir frá innflutningi hennar.

Fullgild teljast aðflutningsskjölin því aðeins, að þau séu úr garði gerð eins og krafizt er til þess að fullnaðartollaafgreiðslu hinnar innfluttu vöru megi fara fram, að öðru leyti en því, að skjölin teljast fullnægjandi, þó bankaáritun um greiðslu vanti, enda verði því atriði fullnægt áður en endanlegt tolluppgjör fer fram.

2. gr.

Hafi innflytjandi eigi skilað aðflutningsskjölum um vöru innan þess frests, sem ákveðinn er í 1. gr., skal hann greiða kr. 100.00 í dagsektir, þar til ákvæðum 1. gr. er fullnægt. Dagsektirnar greiðast með aðflutningsgjöldum um leið og tollaafgreiðsla fer fram.

Þá má og tollstjóri stöðva tollaafgreiðslu á öðrum vörum til sama innflytjanda, þar til hann hefur lagt fram hin tilskildu aðflutningsskjöl.

3. gr.

Ákvæði reglugerðar þessarar taka ekki til vöru, sem sett hefur verið í tollvörugeymslu skv. lögum nr. 47 frá 1960 áður en þrír mánuðir eru liðnir frá innflutningi hennar.

4. gr.

Sé svo ástatt sem segir í 22. gr. tollskrárlaga nr. 63 frá 1968 og innflytjandi hefur innan þriggja mánaða frá innflutningi vöru fengið hana tollaafgreidda gegn

fjártryggingu, getur tollyfirvald framlengt frest þann, sem ákveðinn er í 1. gr. þannig að hann nemi allt að tveim mánuðum frá setningu tryggingarinnar.

#### 5. gr.

Reglugerð þessi öðlast gildi 1. apríl 1969.

Reglugerð þessi er sett samkvæmt heimild í 24. gr. laga nr. 63 frá 31. maí 1968, um tollskrá o. fl., og birtist til eftirbreytni öllum þeim, sem hlut eiga að máli.

*Fjármálaráðuneytið 26. febrúar 1969.*

**Magnús Jónsson.**

*Jón Sigurðsson.*

27. febrúar 1969.

Nr. 39.

## AUGLÝSING

um sérstök veiðisvæði fyrir línu og net fyrir Suðvesturlandi.

#### 1. gr.

Skipum allt að 200 brúttórúmllestum að stærð eru bannaðar botnvörpuveiðar til 30. apríl 1969 á svæðum, sem takmarkast af línunum, sem hugsast dregnar þannig:

1. Að austan hugsast lína dregin í réttvísandi suður frá Þjórsárós í punkt 63° 34' N og 20° 48' V þaðan beint í réttvísandi vestur í punkt 63° 34' N og 21° 26' V. Síðan í vesturátt samhliða fiskveiðilandhelgislínunni að línu er hugsast dregin í réttvísandi 213° frá Reykjanesvita. Þó skal skipum, sem um getur í 1. mgr. heimilt að veiða innan þessara marka, á svæði er takmarkast af lengdarbaugunum 21° 57' V og 22° 32' V og 3 sjómilur út frá ströndinni.

2. Að norðan hugsast lína dregin í réttvísandi vestur (270°) frá Garðskaga. Að sunnan hugsast lína dregin í réttvísandi 259° frá Stafnesi. Að utan takmarkast svæði þetta af fiskveiðilandhelgislínunni.

3. Frá Geirfugladrang hugsast dregin lína í punkt 63° 54'8 N og 23° 26' V og þaðan í réttvísandi 259°. Frá Geirfugladrang hugsast dregin lína í réttvísandi 90° í punkt 63° 40'6 N og 22° 55' V og þaðan í réttvísandi 213°. Að utan takmarkast svæði þetta af fiskveiðilandhelgislínunni.

Enn fremur eru skipum bannaðar netaveiðar á svæði því, sem um ræðir í 3. tölulíð þessarar greinar til 20. marz 1969.

#### 2. gr.

Með mál þau, sem rísa út af brotum gegn auglýsingu þessari, skal farið að hætti opinberra mála og varða brot viðurlögum samkvæmt ákvæðum laga nr. 62 18. maí 1967, um bann gegn veiðum með botnvörpu og flotvörpu með síðari breytingum eða, ef um brot er að ræða, sem ekki falla undir framangreind lög, sektum frá kr. 1000.00 til 100 000.00

Auglýsing þessi er sett samkvæmt lögum nr. 44 5. apríl 1948, um vísindalega verndun fiskimiða landgrunnsins og lögum nr. 62 18. maí 1967 um bann gegn veiðum með botnvörpu og flotvöpu með síðari breytingum sbr. reglugerð nr. 304 20.